

淮海英靈續集

淮海英靈續集

鄉人阮亨輯

周姑媛

字室楨泰州人王愛蘭名媛詩話云人知海陵瑀石又洲兩女士負才名鮮有知其妹室楨者殆亦

有幸不幸耶

夜雨

牀頭聽夜雨細數不知休洗盡千山色難教洗舊愁

夏日

茶竈正飛烟棋聲驚晝眠日長無意緒傍水弄荷錢

梅花

冰肌玉骨絕無瑕清韵天然妬麗華一丈粉牆遮不定侍兒

偷折比隣花

范

姝

字洛仙如皋人詩人獻重女諸生李延公室著貫月舫集洛仙與女俠周羽步吳蒞仙友善名媛詩

話稱蟋蟀一律氣格直逼中唐宜贈炙人口也名媛繡鍼云洛仙九歲以詠新月知名

蟋蟀

秋聲聽不得况爾發哀吟游子他鄉淚空閨此夜心已愁衾枕薄還慮塞垣深蕭瑟西風緊堪憐雪夜侵

慰延公夫子

顧我傷心事淒其不忍言埋名驅薄俗把卷卧蘄門終有風雲會休云愁恨繁况君詩思健相對好同論

周

璣字羽步吳江人其夫爲人中傷陷圍羽步避難

璣居如皋與洛仙並仙相倡和名媛詩話云羽步詩雄宕秀挺足救刻翠剪紅之習贈詩仙句云樽前紅袖夜談兵又答人句云每憐俠骨慙紅粉肯學蛾眉理艷

英傑氣
贈吳璉仙

驚落葉鎖花城一徑春風感落英嶺上白雲朝入畫樽前紅袖夜談兵文人薄命非因妬俠女狂歌更種情安得五湖

同載去好尋范蠡訪平生

贈冒巢民

天涯浪跡幾年春此日何期青眼頻
贈藥爲憐司馬病解衣應念少陵貧
慙非駿骨逢知己羞把蛾眉奉路人
聽雨不堪孤館夜感今追昔淚沾巾

春居

小榻參差竹影斜衡門芳草鎖烟霞
峻嶒傲骨詩爲友淅泊禪心畫作家
暖日不須來燕子春風爭肯逐桃花
凭闌細雨瀟瀟夜慷慨悲歌撫鎖鈇

溪上偶成

小橋明月燕雙飛獨倚孤松坐翠微
露潤石牀苔逕冷一溪花影抱琴歸

吳氏 如舉人卜賓王室

憶妹

吾妹經年隔干戈况未休一書悲雁斷幾度對花愁人遠千

峰暗家貧四季秋思伊常夜坐寒月上簾鉤

吳

山

字岩子當塗人卜楚玉室王子一竹淨軒詩話云

女儉基善書先後嫁江都劉孝廉峻度峻度迎岩子歸
事如母岩子以詩古文名當世垂四十年魏叔子青山
集序即舍人贈詩咸以女遺民目之子有詩云風吹香
氣拂簾來集落青山太白才閨閣遺民君獨擅高歌落

日風
風臺

新霽

新霽健草木林塘肆芬芳拂石竹陰晚地幽人亦涼遠天自

空靜蟬風吹夕陽

法海寺

聞說隋家帝於此建宮闕種色玉勾斜年年芳草發代仔存
形勝古剎依林樾輕風吹錦帆今昔一明月

越城歌

越王城邊春鳥吟忽思美人歌舞心一朝歌舞向吳國水犀
軍散劍池深姑蘇臺下草連天鴟夷一艇何茫然

新秋雨夜

雨氣侵虛室秋陰透薄幃濕螢依戶入疎竹覺風歸令節應
聞雁新涼未到衣剪燈成獨立唧唧草蟲微

秦淮舟集同劉李諸夫人作

一棹輕隨岫柳斜晚霞落日集名家六朝風物秦淮水三月
春情穀雨茶隔樹嵐光青照眼護橋烟色白侵沙萬重樓閣
欄杆遶處處籬邊著好花

題畫

雪意滿前山蒼雲落寒樹扁舟人不歸想在谿中住

清明

而今何處覓桃源風雨清明且閉門芳草萋萋歸不得江南多少未招魂

題蘇若蘭璇璣圖

百年飄忽猶飛火獨有文章寄兩間若使連波無悔過覺於風雅不相關

寒食憶逝

三月清明風雨斜江城花柳帶人家春花落盡悲春去尚有來春發舊花

卞夢珏

字元文號篆生吳崑山子長女劉峻度室卒年三十四著鱗閣集詩舍人稱其古意一首堅明蒼鬱以似

晉魏王子一竹淨軒詩話稱其六七齡時信口即能成句

古意

廣除有虬柯靈鳥爲其巢春華不爲榮冬嚴不爲凋挺託意
遠衆對之誠孤標豈無敷華木枝幹出雲霄賦質苟殊異顏
隨秋風凋君子慎樹立中心常寥寥

十八日送燈雨

迎燈麗日出天然此夕燈殘別有天好月不懸常閉戶美人
歸去靜垂簾窻前雨氣寒花蕊簷下泉流咽管絃惆悵不須
追昨夜韶光容易到明年

徐幼芬

江都人工部郎中徐葆初女孝廉李淦室王

蘭名媛詩話云幼芬與季靜娛夫人送有唱和早

卒王阮亭讀徐幼芬遺詩兼寄李季子句云自來學得

謝公某博士風流幼婦詞未免有情看不得橋西荀令

斷腸詩

春日

日暖春光媚花香燕子歸銜泥看未厭又見蝶雙飛

宮怨

小苑黃鶯弄巧言春深碧草暗長門終朝兀坐愁心亂怕見
旁人繡綵鴛

王璐卿

字繡君一號仙峴通州人馬孝廉振飛室善繪禽

曰丈夫補衮作霖乃分內事渥水神駒豈終隄轅下也
故著鶯鴛社錦香堂諸集女弟兆淑字仙琬亦工詩婦
人集曰繡君風調綿整閨房唱和
詩以小幅行世人甚稱其佳妙

荅杏颺簡稿

滿囊文賦換青雲半欲珍藏半欲焚宿有才名驚謝朓豈非
時數忌劉蕡美人日暮懷香草帝子中流倚碧雲翹首纔知
天自濶滄浪歌罷酒初醺

葉子眉

江都人自序云妾籍廣陵從事官中俄遭大變剪却霓裳弓袖革鞵抱琵琶而北道盡壁觀虞姬石

碣感而且愧書此以志時庚寅七夕也

題衛輝旅壁

剪落霓裳別樣粧青驄有分斷河梁文章漫說誇機女羞見虞姬舞袖長

風送塵飛到鬢邊傷心從此別江天勸君莫問官中事楊柳回頭起暮烟

徐淑秀

自號昭陽遺子南渡時宮人也流落都門劉學士肇國用金贖贈武人邵某歸居泰州沈村爲詩多

抑鬱哀憤之音鄧舍人最愛其入畫無人知是我倚闌看蝶認爲花之句

淮陰道中

昭陽遺子謫人間曾列龍樓第一班楊柳折來風雨夜夫容分得水雲顏不知世上無金屋猶說臺前賜玉環薄命今生

遙集處傷心何地可容閒

汪氏

江都人自序云乙酉八月二十三日得張氏淚筆讀之聲韻淒絕嘆子亦同此命薄因和之

和張氏淚筆

悲鳴淮海只孤凰流落秋風夢錦堂爲問近隣同難女誰拋
骨肉去他鄉

傷哉骨肉已塵埋惟有清魂夢往來寄語故鄉兄與嫂花枝
從此不須栽

錢令暉

字亞芬通州人錢五長女湘雲袁九叔從孫女與妹令嫻齊名著叙蘭集

題畫上紅白桃花

武陵春色滿城開賺得漁郎洞口猜道是彤雲千片裏
何處雪飛來

錢令嫻

字幼靚亞芬妹著珠唾集

樓居

一竿晴旭上簾鉤點點寒山翠入樓多病懶裁鸚鵡賦薄寒
初御鸛鵒裘香浮竹葉杯中影吹徹梅花笛裏秋平楚蒼茫
驚欲雪沒烟如織廼生愁

李

妍字安似興化人靜映女
解受茲室著綠窗偶集

懷兄任荆南

三千道里各天涯夜雨寒燈憶別時重鎮遙聞征戰苦家鄉
凝望雁魚遲嬌親堂上思難慰弱妹閨中病不知骨肉那堪
江漢阻相逢非是舊顏眉

宮婉蘭

紫元女諸生冒衰
室著梅花樓集

元宵喜晤十六姪如岡

汝來恰值傳柑節我老驚看兩髻銀回首弟兄多隔別相逢

子姪獨情親梅殘正好迎新月柳放何堪又暮春帶水家鄉
原不遠衰年惟有淚沾巾

吳師韜

字慧菴如皋人尚友姊武林施槃室著蕉雨軒集女弟澤文工吟咏

閨中曲

裊裊鑪烟春晝長水晶簾撲柳花香院牆隔不東風斷吹過
琴聲到玉堂

錢塘弄潮詞

衝風送浪氣如雲生小乘潮砲出羣要與天吳爭上下橫江
不數水犀軍

沙懿清

字秋月如皋人朱三梧室著拾鈿遺稿愛蘭名媛詩話稱其課子一作是學人止屬可采入訓女遺

規

課子

謀食須耕稼修身在讀書非徒勤口耳亦足慎居諸去惡如
芟莠希賢乃遂初慙予胎教失自勉庶徐徐

叢

禧如皋人諸生長茂
女諸生石升室

漁

閒來一葉向江湖七尺絲綸一尺鱸瀟灑生涯雲水裏桃源
莫問有還無

叢祁誌

長茂女謝魚池
室著芳韻樓集

新秋懷家君

又是新涼七月天睽違膝下却經年白雲出岫迷秋樹綠水
環溪生暮烟游覽園亭風景在追隨杖履夢魂牽詩成每望
推敲字何日西來一放船

戴凌濤

字文姬又字文淑江都人
蔣塞翁選室著綠窗遺稿

淮海英靈續集

辛集卷一

寄梅

破臘開偏早，尋芳逕轉幽。新詩探驛使，香夢到羅浮。欲着看花屐，應來載雪舟。臨風一檢點，春意在枝頭。

倚闌看月

碧漢迢迢夜氣清，倚闌看月十分盈。何時飛入蟾宮去，長伴

姮娥弄玉笙。

董

白

字小宛號青蓮冒巢民遙室著庵豔一書王西樵撰朱鳥逸史往往津逮之卒年二十九葬影梅庵

旁冒作影梅庵憶語悼之

綠窗偶成

病眼看花愁思深，幽窗獨坐弄瑤琴。黃鸝亦似知人意，柳外時時弄好音。

鍾

清

字素娥儀徵人吳鹿源簫室

贈鹿源

紅豆教歌似館娃可憐今日在天涯
郎船若打真州過八字橋邊妾有家

王毓貞

字月妹江都人
著幽蘭閣集

柳

折與章臺柳萬條時經離別贈河橋
青青願得常持手收拾榴裙繫舞腰

秋閨月夜

蘆花盡白蓼花紅無限淒其月夜風
已是愁人聽不得空階何事響梧桐

季

嫺字靜嫺號元衣泰興人寓庸女季長昂室著雨泉
龕詩婦人集昭陽李夫人游心元虛託情道味賦

詩不多殊復令人
咨盡可謂德音

河中之水歌

河中之水滔滔疾流汨我田苗嚙彼高邱河魚天上萬民以
愁我謂河伯伊誰之羞蒼蒼佚女抱持篴篥哀聲入雲長歌
未休何辜今人癩疾曷瘳

得天中弟訊

憐爾關山隔書從塞北來黃雲滿大野白草遍荒臺風動豺
狼嘯天高鴻雁哀登樓應有賦何日共銜盃

高

縈

如韋人綴蘭姊諸生
哭開秦室著龍烟集

晚集綠雪山房感賦

故園曾記昔年春今日相看賞復新歸燕來時猶識壘好花
開處竟忘貧卻憐月是閨中月可惜人非鏡裏人流景暗傷
天又暝綠楊烟鎖翠眉顰

顧

志

字崔園如皋人羅仙山室名媛詩話云崔園以課女徒糊口有句云詩稱淑女儀堪仰傳載賢媛儉

可師與沙秋月皆閨人模範徒飭風雲月露之詞爲才女者讀之當愧汗

秋日夫子自東淘返

蕭蕭秋雨潑柴扉遙見輕帆柳外歸貧病連年兒女累風塵滿面髻毛非須知清淚盈眸落多爲離魂入夢稀黃葉可炊甌已罄相逢悲喜雨依依

王芝玉

真州女子

題青州驛壁

滴淚辭親北路行可憐誰識意中情強將紅粉隨車騎腸斷荒雞向曉聲

張氏

江都人自序云乙酉六月二日遇難于西溝寶林庄

西溝道中淚筆

深閨日日鎖鸞凰忽被干戈出畫堂弱質那禁過鳥道可憐
魂夢繞家鄉

湘揚女子

自序有家本維揚下出湘楚感公子之情重矢
白首以同歸恨彼婦之肆讒鼠緣衣于異域宛
其心碧死亦真然時見葉紅生
則徒爾云云詞工而遇苦矣

題新城三家店旅壁

記得當年別後粧楚天一帶水茫茫春容消盡渾閒事怕向
籬邊摘海棠

經年不斷佛頭香願祝夫人壽未央不敢專房稱冠寵開箱
惟取舊衣裳

鄧繁貞

字墨姍謙谷女冒禹書
室著思親吟靜漪閣集

秋日

愁凡人愁坐更深暑氣消乍涼霜有信久旱海無潮蕉老心

空卷蒲荒髣共凋歲時聞後早秋事已蕭條

秋雨思親

秋宵成兀坐細雨被風侵愁緒怨長夜幽懷深素琴最憐毛
裏句空負蓼莪吟蠟炬垂紅淚難灰一寸心

石可仙

如皋人沙熙純
室著綠意遺稿

夏日園居

爲折花枝步碧苔荆扉獨傍野塘開晚風一陣穀紋起無數
蜻蜓側翅來

范毓秀

通州人諸生徐人俊室著媚川集王子一竹淨軒
詩話云毓秀詩俊逸可誦春雨云繡閣香初暖健

朝風雨斜非關寒食近春意
在梅花二十字尤酷肖唐人

秋日送淮海夫子金陵應試

驪歌一曲送陽關把酒殷勤分袂難折得柔枝親手贈秋風

換取桂枝還

徐應坤

字淑媛人俊女諸生鄒恭士室著紅餘集

傲古

強作容顏好含愁爲整鞍明知是離別不敢淚珠彈

虞美人

君王意氣盡江東賤妾何堪入漢宮
碧血化爲江上草花開更比杜鵑紅

袁九懋

字君淑通州人方伯表隨女諸生錢良九室君淑歸良允甫一載卽卒年十八著伽音集

春游曲

小姑愛游冶日向青溪汜前林聞馬嘶驚避百花裡

送君鳴四兄侍御按三晉

鳴笳疊鼓上河梁紫陌爭看鐵面郎
雁去此時瞻落日烏啼

到處有輕霜龍門山接青驄色白馬津連繡斧光春日采風
汾水上幾人猶憶舊宮牆

范

雲字雲玉又字玉公江都人擢芳集以爲甘泉人非是王文簡秦淮雜詩有傳來好句紅鸚鵡今日青

溪有范雲句卽其人也徐元嘆集亦有贈范枝書詩

泛湖

輕橈沿碧渚泛泛得幽尋款語微花笑新涼荐夕陰歌從鄰
舫至酒向故人深莫訝歸途晚前溪月滿林

吳正肅

字靜嫻江都人黃履岳室工畫吳玉坡有舊識吾宗女畫師墨痕蕭瑟自矜奇之句竹淨軒詩話云

靜嫻看白菊云傲乃成貞骨香能樞素心十字足規胸次聞其適黃後二十餘年未嘗一游平山間輒足風已

題畫

垂柳沿溪合復分重重樓閣礙歸雲結廬水複山迴處飽看
朝嵐與夕曛

泉聲隔岸響潺潺秋樹蕭疎水閣間喜有素心乘興至扁舟
同看夕陽山

陳貞媛

通州人馬
錦林室

苦寒

凍雲壓屋倒城根龜手兒啼血裂痕儂似寒雞常抱卵任他
風雪不開門

林

馨字靜保儀真人明經照女孫瑜室竹淨軒詩話云
靜保菜花云可惜如今顏色好一生榮落總尋常

其寄慨
深矣

晚晴

晴光開薄暮草色綠芊綿雨歇涼侵枕天空月破烟晚花嬌
宿蝶老樹咽新蟬寂莫荆門閉詩成一惘然

楊翠晴

字虛崖甘泉人太守文鐸
女李淳園室著虛厓逸草

送父妾顏娘

僂指相依三十年春來話別一悽然情知聚散原無定說到
分離便可憐從此相思憑夜月莫教音問斷江天叮嚀握手
千珍重練達還須忌占先

方

氏

儀真人立室從
姪杜竹屏室

病亟遺咏

病裡愁聞爆竹喧而今與世兩無緣離魂渺渺遊千里含笑
悠悠赴九泉壽歲已隨除歲盡兒墳須傍母墳前

前歲亡
幼子寒

家喪具宜從儉莫尚浮華浪費錢

姜

氏

姜山公女瓜洲
魏懷人室

春日有感

鳥啄殘花花可憐粧成無語坐窗前問天何事東風急吹去

春光十九年

李

華

字澹圃江都向榮女掘港徐芬園室父母葬于平山堂側因號平山女史不忘本也著畫遠山樓吟稿

過揚州感懷

風物何曾異傷心事事非城陰春雪盡日落畫船歸老我形容改還家骨肉稀故園翻似客愁見暮雲飛

廢苑

離離野草亂開花門掩黃昏一逕斜曲院有臺誰繫馬夕陽無樹不啼鴉可知今日飄零處曾是當年富貴家堪笑梁園雙燕子隔牆飛去趁繁華

劉文蘭

寶應人師寵次女安東程樊室著近裏集

自感

傷心人對奈何天滿目秋光怕捲簾蟲吟金井增惆悵苦雨
淒風又一年

八月二十六日夫子忌日詩以誌感

變化重重處世難舊時庭榭盡凋殘冰霜歷歷盡君知否四十
餘年淚未乾

劉文芳

字貞素師寵長女歲貢生喬其繩室
子三人大椿大鴻大鈞著樹蕙軒集

九日懷大表姊

又是重陽節起登何處臺露隨花葉墜風帶雁聲來對酒傷
孤抱題糕想異才渭陽籬下菊今日可曾開

寄懷如姨

渭陽香閣別多時秋月春風繫所思芳徑約行妝有待夜窗
同倚睡常遲當年笑口兼花索此日愁眉只鏡知努力景光

須自愛一樽相對有前期

過碧梧翠竹山房懷補齋伯父

幾年不到掬春樓今日凭欄感舊遊對酒每呼花爛熳吟詩
多被月勾留阮公老去誰青眼謝女重來已白頭臺榭依然
支藻在瀟瀟梧竹滿庭秋

遣婢

十載追隨一夕辭無人替代令人思夜窗展卷來紅燭老髮
簪花折素枝輕扇祇因新浴後添衣多在未涼時焚香煮茗
尋常事就裏精微若箇知

王蕙貞

字友素教諭之辭女明經宮澄園室勤女紅
鍼繡外善詩古文詞兼擅丹青著冬桂堂詩

烹茗

簾外輕風透花間露滿杯濃烟香暗度輕響客初來小閣閒

吟罷春窗午夢回還宜新月下鸚鵡一聲催

題信

青鳥殷殷遣鸞箋細細裁包羅千萬意珍重勿輕開

夏日漫興

竹樹陰濃趁晚涼披襟初試白蕉裳月懸銀漢天如水榻近蓮池夢亦香

秋雲

出沒緣何事飛來幾處山清隨波影活瘦與夕陽閒怪爾情何薄憐君去又還天涯嘆飄泊已覺髣髴斑

卽事

一輪皎月映疎簾恰照愁人欹枕眠千里清光同此夕幾人歡笑幾人憐

喬又李

字素安寶應人劉仰桂室

輓潘氏妹

姊妹相依情最親那知永別隔湖濱眼前一片清溪水只見荷花不見人

劉無儀

寶應人仰桂女史文靖孫媳紹登室

春閨漫賦

落花滿地點蒼苔靜掩重門待燕開正在窗前展書卷一聲啼鳥隔簾來

喬若蘭

其繩女王樓村曾孫媳斯悼室

七夕

庭虛白晚涼時乞巧心情未免痴天上何曾有男女空教

千古說相思

郭少香

寶應人進士連州元孫女劉克三室

思親

獨坐幽閨思悄然
芸窗歷歷曉星懸
起來更把殘燈剔
照得愁人愁倍牽

戴嬌鳳

揚州人丁雲巢尋芳錄云嬌鳳工書畫善針黹時人稱之句云詩中摩畫本春色在毫端蓋實錄也

上元和夫子韻

澹月溶溶照碧空
千門燈火一宵中
停杯忽憶當年事
最喜年華處處同

石學仙

如臯人爲松女章又文室著冰蓮繡閣詩鈔竹淨軒詩話云學仙善書畫工琴棋臯邑剪綵貼絨花

鳥自之始

過故居

風迴玉笛夕陽斜
誰傍山陽譜落花
喜得春回梁上燕
不曾

飛到別人家

胡惟寧

字一軒
江都人

對梅

問春庭下日遲遲始見林端綴數枝
莫笑孤芳開太晚江南風雪不同時

林逋當日種湖千倚檻高吟興不闌
我亦心期冰雪老世人多就牡丹看

韓

張字靜庵
江都人

黃研旅姊丈以出塞圖索題漫賦

元龍百尺氣若虹跋涉山坳走朔風
褰衣駿馬出塞垣棄繻壯志眞英雄
黃塵盡日飛龍沙萬里荒涼窮大鹵
冷秋八月雪皚皚黑霧連天瘦蛟舞
研旅先生自崛奇文章重世芙蓉

披寸華顙脫胸浩浩眼前豪士識者誰深閨盟手展圖看咫尺長城見譙樓江南春色共迷離鴻漸青雲勢高舉

楊氏

江都人王靜巖室

秋日登金山

扶筇浮玉興悠然面面風帆到眼前半榻清光瑤島月萬家秋氣甕城烟銀濤瀉海看今日鐵鎖沉江憶晉年六代茫茫何處是風流且自話坡仙

劉淑秀

字慎勗江都人

憶妹

自別和顏倍黯然思維永日淚空懸猶思刺繡西窗下尙憶分吟皓月前苦恨暫違春暮後仍期相見桂花天愚衷有此應知否腸斷東風曉夢邊

李國梅

字芬子號韞庵興化人解
舉鼎室著林下風清集

初夏憶母

鶯啼四月天花落蝴蝶飛南風吹繡戶暖日照翠簾徘徊出
羅幕步履臨階墀梨花香小園柳條拂清池梁燕引雛返慈
烏歸故枝感彼禽鳥情悽然觸我思念我失所恃六載慈顏
違音容已隔世罔極報何時諸兒戲我側顧之心愈悲哽咽
不能言淚似連珠垂汝曹俱有母我何獨無依回思鞠育恩
肝腸如亂絲

竹西亭

烟雨揚州路遊人說竹西春風餘蔓草日暮鵲鳴啼

鄭氏

江都人茂華孫女諸生間麟生室江都縣志稱氏
幼嫻詩書動以烈女爲法夫卒絕食六日葬畢遂

繼自

遺詩

結髮情意重拋撇兒女歸傷心千古慘烈鳥願同飛

趙箋霞

字書雲甘泉人趙大令延聘女仲振奎室

寄懷綺泉二妹

聽有過歸約離心尙海東空波一痕遠清夢五更同春草非
堪草終風不惠風梅花開老屋相待檢詩筒

寄瑤泉三妹

淚花和雨落邗溝十日離懷萬疊愁征雁啼殘香閣夢亂蛩
吟老暮庭秋身如珠網東西繫心逐江濤日夜流爲問留雲
小窗下晚風病骨幾登樓

陳素素

江都人自號二分明月女子姜學在道室著二分

吳門與姜定情好事者譜其事爲秦樓月傳奇

述懷

妾非貧家女少小在蕪城十三學刺繡十五學彈箏亂離不自持弄意失吾貞百年一遭玷誰復憐我誠傷故何所道棄擲鴻毛輕

題古繡鏡囊

鏡裏出自何人手陸離彩色非常有盤龍倒鳳在香奩一片清輝玉指拈莫恨光明爲君掩團團許共佳人見請君休買五色絲天上月明心自知

病中自訂詩稿

寒蛩不自覺秋到偶成吟的的彈紅淚蕭蕭寫素襟誰憐離後意都作夢中音相賞知誰是難爲千古心

張

蘭

字晚香江都人婁拱星室

贈鄭玉姬

窗前初辦曉妝成新試春衫媚自生如此風光應愛惜畫樓處處有簫聲

淮海英靈續集

鄉人阮亨輯

張

因

字明因甘泉人黃秋平室名媛詩話云夫人情天

舟朱柔則晚年孔經樓迎住西湖節署與劉文如謝月
莊唐古霞爲吟侶及歸揚夫人暨予輩詩筒往還嘗過
曲江亭上其綠秋書屋集孔夫人刻
之予謂淮南名媛綠淨後有替人矣

答王愛蘭夫人

武陵客二載游通羣峰青况復得吟侶相賞挹芳馨耳君盛
名久結念託冥冥一卷冰雪詩字字本性靈兄妹兩酬唱天
倫樂家庭彼此勉聞德足以垂儀型緬想村居景柳綠濃遠

汀

湖上

湖上春光麗風清日正和蝶隨芳草集柳近畫樓多鶯囀和
絲竹花香散綺羅誰能攄彩筆寫出好烟波

荅王子一女史

詩人聚一室咏絮獨推君翹首望明月相思阻白雲有才能
異俗妙思總超羣顧我傷遲暮江洲日易曛

春日雨中言懷用秋平韵

入山原有志深愧老萊妻歲歉藏無酒厨豐供有藜時聞隣
婦泣不聽樹鶯啼日日空堦上呼童掃屐泥

四十初度和秋平

荷君雅意比良朋鮑汲梁春愧未曾每笑敲詩成勁敵有時
并坐似枯僧春潮煮茗花爲供永夜圍棋月作燈安得神仙
遺上藥瓊霄攜手學飛昇

同孔經樓夫人西湖舟中作

平堤一片菜花黃比似天桃更有香行盡六橋不知遠半湖

春色半斜陽

丙午清明卽事

十里紅樓醉管絃揚州春色最堪憐
逢人怕說晨炊斷只道連朝是禁烟

題阮梅叔亭珠湖志圖

北湖清淺水連天記是吾家老屋邊
涼月一篷烟一笛蘆花深處釣魚船

重陽寄松江王凝香燕生夫人

老至逢時惜景光漫將愁緒擾詩腸
高情空羨陶彭澤避褻宜從費長房
指顧池塘憐柳碧徘徊籬落愛花黃
登樓作序非吾事閒望遙天數雁行

題阮梅叔曲江亭聯吟圖兼柬王凝香夫人

坐雨空江上茅亭傍水隈蘆花風十里吹雪打船來
同詠郊祁學其推唱酬堪永日吟興夕陽催

題阮梅叔泖湖臥遊圖

步出雲間城秋色燦如綺三五素心人共泛泖湖水雲散秋
波明烟凝暮山紫紅葉透疎林蒼葭隔遠汜對之息塵心臥
看沙鷗起歸來繪成圖如坐烟波裏

汪桐音

字琴生剡潭妹
諸生潘逢元室

題吳靜嫻秋山讀書圖

衡門近喜接芳鄰况復兒曹筆硯親何日好香傳一瓣絳幃
得拜老詩人

丹青何必羨荆關閨閣烟霞不等閒我亦有心偕隱去可能
潑墨寫秋山

張佩蘭

字質書，淨因侄女。汪繡谷室。顯芳集卷六十載。張佩蘭卷六十四載。張茂岑皆質書一人。子二溥、涵。

俱質
文名

涼夜曲

空庭露浸羅衣薄，月碎簾波殊綽約。池上流螢飛漸多，閒階風細桐花落。

課兒夜讀

幾杼深更伴未眠，不辭辛苦對青氈。看他把卷能忘倦，未免私心半愛憐。

仲蓮慶

字碧香，泰州人。仲素女。洪仁遠室。

喜松嵐弟歸里

經年懸望眼，今日見歸人。莫話升沉事，猶留磊落身。心情何所憾，道在不憂貧。一酌蔬盤酒，黃粱夢後真。

自嘆

強支瘦骨度朝昏積漸年衰積漸貧
八口飢寒憑指力半生辛苦是鍼神
方書空檢寧心藥茗盃難消渴
啼塵垂老何堪愁又病暮雲西望未歸人

懷二弟

秋雨

樹底風來全散暑簾前雨過驟生涼
無人小立迴廊下落盡一庭秋海棠

楊

氏甘泉人楊開鼎姪女高曠室

卧病夜感

卧病經旬久妝臺燈半明支離憐瘦骨
憔悴戀餘生靜裡觀空色愁中厭折聲
閑身如木槿幾日得朝榮

少鏡鸞字影娘甘泉人

詠十琴齋冬蘭花

動琴九畹味幽然十月猗蘭分外妍
好夢無妨深夜裏妙香還喜小春前
曲江金購花鼓遠寒谷風來蝶翅偏
自是時光生較晚相看霜雪不孤緣

沙石貞

號東臯
甘泉人

題吳靜嫻秋山讀書圖

山氣蕭森墨瀋香蘭閨佳手詎尋常
衛書月映簪花格管筆烟生近水篁
眉嶺露華清古峽輜川風景覺新涼
一爐沉水虛齋靜遊遍高林野趣長

范

德

字起成如皋人志次女
戴師點室著蓉洲詩草

寄京兆大表姊時隨任永春

美人隔層雲三載傷契濶道里且悠長
何以慰饑渴淒涼舊

游處秋風暮蕭瑟采采幽蘭花孤吟望天末

鄭遇芳

字靜蓮江都人著焚餘草名媛詩話云靜蓮博學工詩與孔昭華王凝香諸女史齊名邛上秋園云

落葉封階未敢題碧紗窗外月沉西數行疎柳人同瘦怪煞流鶯不肯啼可與阮梅叔室王凝香女史秋闈西風毫素託深心閒煞空階搗月砧牆外桐陰窗外竹一齊和雨助秋吟之句並傳

秋夜對月

長笛橫秋夜清光湧碧天棲鴉喧古樹孤雁破寒烟菊影疎
離畔蛩聲短榻邊空庭誰與其相對一輪圓

偶成

東風吹綠草萋萋人靜空堂落燕泥滿地落花一簾雨那堪
重聽鷓鴣啼

徐素蘅

字香草江都人

四時閒詠

裊裊爐烟結篆微
蘭馨蕙馥膩羅衣
護香欲放簾垂地
奈隔雙雙燕子飛

盈盈人在暮春初
欲起還眠柳不如何
物深閨堪破癰
誦郎詩句學郎書

吳淑儀

號香溪儀徵人程秋渚室著織餘窓稿江蘇詩事云香溪詩人蝶莊女適程秋渚流寓皖江秋渚早

卒矢栢舟之操子三人皆成名諸生奉旨旌表

恭和家大人葺居原韵

避人小築隔塵氛
種竹多防夏日曛
更護碧苔留蝶夢
小窗風過送輕雲

瓶梅

拘折一枝妍孤芳
誰爾憐暗香浮玉几
疏影拂雲箋
尚覺精神健
因知節操堅
相期歲寒友
努力各全天

白荷花

歷盡炎蒸翠蓋張
高秋素瀉始含芳
怕隨凡卉矜顏色
風露娟娟月滿塘

劉氏

寶應人喬大鴻
室著夢舊偶吟

昨夢

話言猶似昔
亦道爾非生
顧我高樓上
相辭無限情
但云居不遠
咫尺傍蓮城
瞥眼歸何處
殘燈耿耿明

柘溪送姑母入城

梅花落後杏花新
楊柳青青黃鳥春
如此風光留不得
却教花鳥憶詩人

和大姊韻並寄懷

孤樓獨坐聽風雨
歲月頻驚逝水忙
吟到烏衣門巷句
夢魂

常繞舊池塘

無名氏 寶應人

春柳

半是春愁半是狂拖烟掠雨傍銀塘高樓少婦闌山客爲爾
青青又斷腸

除夕立春感賦

貧家省事一杯酒又餞殘年又賀春間裏歲時皆足樂老來
兒女倍相親浮雲流電忘前事地角天涯念遠人時一子在
歎息世間歡筆少四郊瑣尾有災民

仲振宜

字綺泉泰州人
慶文崔爾封筆

寄懷雲江六弟

去歲與爾別關河雨雪霏最憐分手後又值落花飛春草愁

中長家山夢裏歸一帆東下艇何事久相違

寄懷芝雲三妹

相思相憶更相憐一樣離懷兩地牽
虎阜那堪人寂寞留雲空自夢纏綿
久拚薄命隨流水不忍回頭悵昔年
幾度夜深曉又起山鐘村杳總淒然

一番顚顚冷臙脂薄命何堪又此時
自分幽芬埋淺土不隨飛絮入春池
紅塵易了生前債金屋誰描病後姿
爲問瑤宮花侍史綠陰幾得子盈枝

春雨

碧苔芳草盡油油細雨無聲濕瓦溝
燕子不來春寂寞晚烟空鎖杏花樓

仲振宣

字瑞泉
宦慶次女張耐鳳室

蟋蟀

古砌空階處處鳴短長吟出斷腸聲難忘悲感前生怨未免
低回此夜情烟鎖藤蘿秋一徑草荒亭院月三更只愁寥落
知音少休苦啾啾訴不平

歸燕

杏纈梨雲事已非香巢零落冷珠幃江南夢斷應無賴塞北
家寒尙可歸疎雨疎風情黯黯秋山秋草影依依社公酒熟
春光好遲汝花前上下飛

洪湘蘭

字晚雲儀真人進士錫
璋女貢生仲振猷室

雨絲

徐徐飄落艷陽天散不盈筐萬縷懸一夜暖衾添錦綉十分
春意最纏綿繅紉難盡低縈霧密到成細細和烟却被剪刀

風剪斷遺珠零亂滿花田

仲貽鑒

字金華振奎女官淮室名媛詩話云往聞泰州仲氏多才媛欲求其集選入同音集惜不可得丁卯

予兄有採訪遺文軼事之役過泰得雲江先生爲文字交先生因以六女士遺集囑予兄點定入羣雅集予遂能盡讀之玉樹珠林仲氏何多才也

新柳

東風吹醒灞橋春縷縷朝霞染未勻不放長條青到地柔情怕贈別離人

祁瑞華

寶應人劉某室

甲辰歸家日作

歸家何事不堪愁滿目淒涼况暮秋葉落枝殘根益盡父亡兄喪侄無留一言難訴生前恨雨淚空教死後休更嘆孀幃年半百幾番有病未能瘳

冬夜病中有感

霜凋紅葉正初冬
挑盡銀缸意萬重
病裏怕談塵世事
半床風雨聽殘鐘

步四叔姑折梅原韵

嶺南花放共誰看
玉骨冰肌耐歲寒
幸遇高人攀折後
縱教風雪不摧殘

絕筆

弱質多年費護持
勸君此後莫深悲
治家仍望從寬厚
好看雙雙失母兒

江

珠

字碧岑一字小維摩藩妹甘泉人僑居吳縣吾半客室名媛綴詩話云碧岑憂憂獨造絕恒蹊

同時女士尤寄湘懷以詩云買得青山避市塵超然身世不知貧穠華掃盡蛾眉舊南國風流第一人傾倒如

此詞與王甥名媛同音集云碧岑淹博經史工詩古

詞與兄藩齊名才筆雄健女士中飛將軍也

春日閒居

怡然無俗慮山色一窗虛行樂閒哦句桃燈夜勘書勞生從
我拙拾唾愧人餘詩病誰呵訐蕭疎歎索居

東諸女史

涼雨消微暑殘花弄晚晴卷簾看月上移榻聽蛙鳴性僻耽
禪寂才疎愧友生文章身後事門戶戒無爭

送半客之上江

長江灩灩路漫漫九月西風作意寒骨相癡屯隨分好性情
簡樸入時難仰人乞食知非計審滕求容亦易安話到分攜
須命酒一鉤殘月上雕欄

和皎如沈妹月夜見懷諸吟友之作

銀河迢遞夜漫漫寂歷霜風冷素紈料得有人閒倚月玉簫

吹徹畫樓寒

落花

促歡且覆掌中杯
浪蘂飄花瞬作堆
滿苑綠陰人賦別
一簾紅雨燕歸來
唾成紺碧衣初染
泣化瓊瑰夢不回
費盡春工殊莫辨
究爲誰落爲誰開

書齋晚坐

一派清溪水悠然繞竹扉
落花自無意啼鳥亦忘機
畫錦能成祟藏愚始息諱
今宵松頂月待鶴故依依

南樓玩月

葡萄獨酌登南樓
數聲歸雁投沙洲
玉盤忽從海底出
四山倒入寒江流
分明是水不是月
一氣浩渺長空浮
森森瑤林五百丈
一枝吹作人間秋
我歌我舞懷詩仙
捉冰影兮握流

泉登雲梯兮呼姮娥化作蟾蜍奈爾何

劉舜儀

字湘雲儀徵人江都柳柳泉造室著嘯花閣餘草竹淨軒詩話云家凝香夫人以江都劉湘雲女史

嘯花閣集寄予予最愛新涼句云層陰不散秋如夢一院西風吹荳花使王文簡公見之必嘆其神韻獨絕

暮春

花氣澹人影空庭薄暮天東風餘幾日短髻又經年夢醒蝶何處春歸鶯可憐一旗初採擷閒共井華煎

十三樓

翠瓦參差短檻荒到門溪水自泱泱一庭蔓草宿蝴蝶滿院幽花開夕陽佛老竟難廻劫數詩書原不管興亡祇今風雨秋階畔時有流螢過苑牆

過韓侯祠

勲名空剩一臺存漢世功臣少受恩鍾室已教三族滅墓田

誰見萬家屯蒹葭秋水魚驚餌野樹斜陽鳥不喧
迴首嚴灘好烟月一竿終古惜王孫

秋夜

西風盪微雲明月照清夕捲幔對秋河遙天瀉虛白萬籟皆
商聲閒愁委如積素心誰與共幽蘭吐瑤席莫更倚欄杆梧
桐墜疎碧

新涼

綺閣深深綠樹遮新涼初起透窗紗層陰不散秋如夢一院
西風吹荳花

熊

璉字商珍號澹仙如皋人著淡仙詩文集羣雅集云

以式

涼夜

寂寞夜悠悠西風欲報秋夢回湘簾薄蟲語盡屏幽往事悲
青史孤燈易白頭卻憐窗外月如水浸空樓

螢火

水面光先亂風前影更輕背燈兼背月原不向人明

見蝶

曉露零香粉春風拂畫衣輕紈原在手未忍撲雙飛

題環碧草堂

近水柴門曲荒垣半壁遮秋聲先到枕門外卽蘆花

哭母

呱呱無言對落暉臨風孤影更何依傷心不及天邊鳥猶得
含哺傍母飛

朱

蘭

字清曉甘泉人任綺堂室著夢香集清曉工畫得
袁竹室之傳詩專工近體格調風神超然拔俗與

王碧雲酬和最密臨歿謂其外子程君曰遺詩必得王
先生柳村選刻吾目始與程子諾遂含笑而逝可謂以
詩爲命矣王子一謂其詩尤工七字旨近情選不減漁
洋風格徐淑則張淨因後定推作手善畫花卉栩栩有
氣生

新雁

珍珠簾外有新霜
碧落初驚雁一行
悵望尺書還未至
君來曾否過衡陽

題王碧雲女史詩集

西風颯颯閃殘缸
把卷高吟月浸窻
今夜燈前如有夢
應隨寒雁到京江

聞笛

何人獨倚月中樓
一笛隨風起暮愁
不是離人腸易斷
只緣清聽在深秋

秋荻

潔與楊花迥不分
荻汀寒色逼斜曛
一江盡日飛晴雪
兩岸無風帶白雲

夢仙謠

紫鳳青鸞駕翠車
五銖衣服盡雲霞
瑤池侍宴留春色
醉壓碧挑兩髻花

珊珊仙珮響輕風
馭鶴頻來皓月中
長嘯一聲滄海濶
滿天風露碧雲空

仙源杳杳隔紅塵
玉洞花開萬樹春
分付飛紅休墜水
恐他世有問津人

翠屏洲詩呈王柳村先生

門對寒江萬岫青
幽人吟嘯倚窗楹
詩思怪底清如許
一鏡

波光冷翠屏

種竹軒

自鋤幽徑種新篁
个影離離枕簟涼
遙想詩人吟倦後
好教清夢入瀟湘

臨江館

數聲漁笛起高秋
孤館相羊寄興幽
吟望碧天杳無際
闌干咫尺大江流

寒碧塘

月明寒浸碧塘空
宿鳥驚飛紅蓼風
清絕一奩詩思冷
獨吟人立鏡光中

乙卯初春寄閨友

觸目江干景漸新
柳黃初退綠將勻
寒梅親折怨遙道
芳草

又青思故人鏡裏自憐雲鬢改尊前誰禁歲華頻闌干獨倚
吟長句試爲深春一問津

落花和王小村茂才

半江紅雨迷殘照一塢曉風吹暮春濃艷已消空谷雨淒涼
誰弔墜樓人新鶯啼徹烟歸樹舊燕銜殘香化塵欲捲珠簾
更惆悵時聞隣笛倍酸辛

春日寄王子一子莊兩女史

每爲閒愁負歲華嫩寒漠漠掩輕紗湘簾不卷梁棲燕寶鏡
慵臨髻裏鴉雨長碧苔三徑滿風搖紅蕊一枝斜及時須訂
蘭亭約夢到江干又落花

江秀瓊

字瑞峯皖香中丞女如臯諸生張仰齋室著椒花館集名媛詩話云夫人工詩書善畫精琴理吾黨

韻士也聞子兄有羣雅集之刻以書介子乞選並訂曲江亭之約今春三月忽以微疾端坐口誦心經七遍而

卒自稱爲天上
吹簫侍使云

雪泉觀月

夜靜秋風生圓影自澄澈合沓瀉清泉微茫流素月揚輝明
如水濯石明如雪玉鏡落金波相映雙皎潔舉目尙迢遙入
耳正幽咽何須秉燭遊此景真佳絕

重陽

滿城風雨曉初晴碧水蒼山萬景清巖岫千重添霽色亭臯
幾處響秋聲踈踈籬落寒花綻漠漠江天旅雁橫更擬層樓
真似畫一林紅葉晚霞生

秋日寄呈家大人

奉侍無由阻萬山新詩遙寄慰慈顏春風好待江南路萬里
銖車入

觀還

題王碧雲閨秀聯珠集

年來消盡舊詩魔
愧我陽春白雪歌
明月一窗梅幾樹
幽香清影爲誰多

阮

安字孔靜儀徵人雲臺兄長女適江都張定江道光元年同歿子廣東節署著百梅詩草

憶文選樓懷凝香二孀

隨親持節到南昌
遙憶文樓是故鄉
花氣襲人圍曲徑
樹陰滿目遶迴廊
琴書寂寂依羅幙
筆硯閑閑對畫堂
遠隔慈顏千里外
敢將短句寄維揚

愛梅

屈指生平愛梅真
不染埃却將仙圃盡移向玉階
裁堂上憐予癖
花中讓爾魁
遲眠非戀月
燒燭共徘徊

瓶梅

爲問冬閨供瓶梅色最鮮泉甘培別韻几淨助新妍素蕊臨
窗出橫枝壓硯偏冰肌涵玉膽只此助應便

姚婉兒

江都人擷芳集云僑
寓白門工絲竹書寫

壽陳東橋

縣旂重爲祝年華南國才人擁絳紗渴疾未能消沆瀣離情
誰擬賦琵琶雕梁白燕菖蒲院珠館青衫薜荔家寄語蕭郎
勤掌故難忘最是上林花

無

垢

俗姓陳名潔號石香通州人少司寇堯元女孫世
祥女兄其夫以無子不相得乃歸母家久之落髮
爲尼居其祖所遺舊業鴻寶堂中日事焚修不廢吟詠
晚年益貧因病中覆水愈前脫手墜樓死五山志稱無
垢詩輕清秀雅不下柳絮因
風之作著繡佛齋集茹蕙集

書懷

青翠入簾櫳永日駐幽閣愁繁芳草生靜覺桐花落奩鏡網

蟪蛄庭柯巢鳥鵲夢未不關愁曉來心自惡獨坐自書空微
雨益蕭索

秋柳

弱不禁風素自憐黃昏細雨斷疎烟樓頭指冷誰吹笛塞上
身單欲寄綿一任啼烏翻子夜直須飛雪送窮年攀枝信墮
英雄淚殘照蕭條灞水邊

揚州早雁呈王阮亭先生

纔離塞北忽江東嶺雁蕭疎樹未紅數點雲間誰繫帛一行
天外自書空安棲邦水猶鄉土遠過迷樓感故官別有孤鴻
沉別浦高風欲借起泥中

輝

宗字蕙仙號佛眉長洲挺庵方伯孫女管予嘉室示

嘉死薤髮爲尼名輝宗駐如皋沈鉢池句如飄殘
絮影遙知柳啼遍桃花不見鶯愁來有句留殘葉夢
去無人問落花肯大歷佳句宜爲名媛詩話所賞

送別

雪意滿芳洲屏山引去舟
霜花吹客夢笳月起邊愁
萬里從軍急孤身倚劍游
家園落日裏莫上最高樓

幽居志興

戟影衡門下悠然物外身
擇林知鳥異藏尾識龍神
山靜雲光活溪閒草色新
廢琴兼病雀相與得天真

村居秋夜

屏跡蓬蒿厭得名閑吟長伴
草蟲聲平溪月上漁無夢
深樹雲來鳥不驚世慮漸消
秋氣爽山花欲放旅魂清
從今我欲乘風去好和緱山
子晉笙

秋閨

蕉窗無夢月痕低玉簾香闌
淚影淒促織不知秋月恨夜
深

偏向短垣啼

和金陵難女宋蕙湘詩

城頭萬騎截飛鴉
烽火無聲濕露華
帳下紅顏悲薄命
夜深馬上聽吹笳

畫紅線盜盒圖

珊珊珮影露華浮
計就歸來月未收
笑殺西施無傲骨
肯將歌舞事君仇

寄龔靜照

自入秋來興未闌
客窗酬和墨雲乾
壺中別有閒年月
篋裏陰符夜夜看

淮海英靈續集

鄉人阮亨輯

元

度

歙縣人主江都福緣庵遺民集云元度卽王尊素也少年放浪詩酒晚依山翁大師於靜慧院侍坐

進者師取一栗啖之元度拱而立捧而持師顧之日子不茫然遂有省滄浪云詩中有禪元度之謂歟

入巖關

天險因時設居然百二同六師才出牧一旅漫言功草木愁

烟裏車徒楚雨中茫茫孤戍意不敢泣途窮

寂

燈

字天放楚藩後裔住儀真東園十笏庵三十年瓶粟屢空絕不干人有飯磬三朝斷里廬共在陳之

句時論高之

小除夕示學人

一靜消諸累多能卽是頑不因平日簡焉得此宵閒竺典當
尊重凡情莫浪攀老夫疎野甚生長只知山

葛洪洞

山色搖光入袖涼
松根風細茯苓香
局殘柯爛人何在
深洞寒雲鎖夕陽

圓

生

字梵伊
江都人

湖舫

是峯皆靜致無樹不啼鵲
酒可酬春事題因借錦聯
衆山皆欲響獨我滯言詮
無限懷人意風流一釣船

宏

儲

字繼起號退翁通州人開法靈山志士詩人多從
之游具供給不倦熊開元爲其高弟道德文采世
並推重著

湘雲館集

閒居擬古三首寄毘陵鄒子

黃金無角穿我層嶽腥
雨無牙齒我巖華
君子樵悴屢以易
黃坎坎鼓缶大呂將墜

洛水離常潰決正道冬日弗鬱天半宅奧下土之寧惟禹之
造人秉其心可以禦暴

巉巉子石志潔逾王幽固清涼溫溫自勗勵回鉛槧怒逢祖
裸災于汚田百身可贖

通

際字山茨號鈍叟通州李氏子受戒於密祖得法於
天隱後結茅烟霞峯顏曰繼隱著禪燈會刻正法

眼藏
藏書

除夕

半生埋澗壑幽事逐清真煮雪消殘夜推窗見早春得教雙
眼潤不厭一身貧坐撥爐中燼紅輪特地新

書遠公影堂

三笑從教笑不休寸心何處遣閒愁下方月是上方月今在
層峯第幾樓

張

濟

字桴海儀真人得法於遠峯著語錄行世

江村

放下蒲團心自安木犀影裏月生寒金風一夜蘆花白秋在

漁翁棹外看

廣

濟

字白拈海門崔氏子如臯僧與董琴庵大令羅補庵廣文朱嶼人駕部善著浪游草東山集呼夢錄

天開巖尋雲谷遺跡

巉巖一片石聞說自天開風雨生秋氣烟花繡古苔月能窺
澗入雲偶過山來意欲呼人語高僧安在哉

過放生庵訪古愚上人

古公棲隱處極目似天涯出郭不多路沿村無幾家因君留
午飯啜茗看秋花不覺忘歸去溪西日已斜

贈張瑤星先生

山上孤峯山下溪北窗高枕白雲西南溪處士多瓢笠東郭先生只杖藜避世擬憑僧出沒逃禪不仗佛提攜灌園種竹疎籬下獨酌深林聽鳥啼

德

南

字道宏號磬庵江都胡氏子文定公裔國初棄儒從釋得法於受宗繼席平山著桂堂集

夏日孔東塘楊爾琮諸公雅集分韻

綠樹重陰下駸駸綵騎來闕題分古調作賦集英才嬌為窺書案飛花墮茗杯更欣陪妙躅延賞過香臺

道

賢

字放眉號寄庵新安蘇氏子家被兵未弱冠故人攜至峩眉遂薙髮後居揚州東隱示寂於興化黎

庵著寄庵集

訪蔣虎臣居士

孤亭雲外落坐擁萬山秋海色連京口江聲過石頭何人成隱遁與子獨相求古寺多紅葉誰能無事游

過甯陶仙書舍

四壁如秋水坐深心益清白雲停不散黃鳥去還鳴樹小憐
陰絳窗虛愛月明禪餘閒倚杖亦動故園情

送破山和尚歸蜀兼問浣溪舊居

雲路層層出上方猿聲不斷是瞿塘
我肩六月猶埋雪峽口重陽早遇霜
短褐秋風山氣肅空林古寺磬聲長
浣花溪畔歸舟近爲問年時舊草堂

行

灤字法音號遠峯與化彭壁廷子盟鷗激筆談云遠峯聞天童浮石歸主建隆寺雲間名士倪永清選詩寓於
十日謂浮石歸主建隆寺雲間名士倪永清選詩寓於
邠上遠峯主之寺中七年令僧衆從學詩洵方外有心
風雅士也著續指月錄其詩高著
俊逸置之法秀集自足壓倒凡聖

瓊花觀

曾是隋煬駐蹕來瓊花何處觀猶開昔年古徑生芳草此日

殘碑長綠苔寂寞笙歌游客少淒涼風月爲誰哀蕃釐一去
無消息唯有閒禽噪石臺

許師六內翰聞余燈譜續成過寺索閱因賦

聞君思我望遙岑自愧才非支道林別院秋風看竹意中原
霖雨出山心得過荒寺探殘碣好駐高軒慰爨琴莫讓當年
蘇學士獨留佳句綠楊陰

同臞菴居士過董公祠訪鄧孝威

一杖出蕭寺荒祠比鄧林樓高雲影近井久石痕深掩卷生
禪悅焚香靜客心我來同孝穆戶外聽微吟

迎恩市橋

散步攜筇天地間水流橋下日潺潺迎恩市上回頭望萬斛
塵消頃刻閒

慶祖法席

法幢建處白雲深
唱和人間足梵音
誰念祖翁田地上
見孫千古歲寒心

枯幹開梅

誰種窗前臘月梅
霜枝鐵幹一枝開
百花與我無交涉
獨許寒香到枕來

行

定

字巢菴興化陳氏子得法於金粟費隱容和尚開堂於秦郵之乾明寺退休於泰州之慶雲精舍

喜黃仙裳過訪

柴門常自掩有客叩方開
因得支公語遙知叔度來
風高披見日情洽竟忘杯
獨愧東林遠相攜去復回

送國博孔東塘回京

俯命親承渚海濱
片帆何故指

楓宸白雲本是無情物

也逐東風送使臣

本

照

字徹也號天谷興化人玉林老人弟子

雲居山訪姚氏隱居喜晤蒼碧陳山人

高閣層軒盡日開
秋風秋雨入簾來
仙家自有胡麻飯
公子何須竹葉杯
對局無心聞鼓吹
看花隨意破莓苔
共知良會誠難得
更上吳山第幾回

行

溥

字竺堂號大癡通州徐氏子三昧弟子主海安西寺提唱宗風鉗錘後進有古德之遺後習於雉臯

菩提社與吳掄先冒遠猷交最善

看雲

臺閣嵯峨綠樹中
登臨聊復盼晴空
閒雲來往雖無主
未肯輕隨閣下風

遠帆

西窗日暮見歸舟
鹿鹿虛名水上鷗
載得夕陽過白浪
須知到岸再回頭

超泰

字指南號目元興化焦氏子遠峯弟子主建隆寺

建隆懷古

晉朝初地樹青葱
遲日招尋古殿空
學士殘碑花影外
法王孤塔鳥聲中
廣陵水映上方月
建業山留初祖風
三度

聖恩興此地吾師攬杖白雲叢

上

續

字別傳號玉堂沅江徐氏子求成於儀真之五台庵王堂爲惠親王所禮呈詩有初地偶然逃佛子老僧因得見親王之句性豪放不羈酷肖雪嶠

贈振字張都督

總戎笳吹帳中鳴
小隊從容路月行
鵲印夜懸山岳靜
虎旗秋動漢江平
雄風自古稱英傑
忠義於今有令名
畫到凌烟

人未老一麾江上正論兵

駕幸揚州歌

天子重來不易遊陽春十月度邗溝百花昨夜都開遍爲有
龍旗到佛樓

上

思

字雨山號雪梧泰州人主天寧寺

聖祖南

巡駐蹕本山從殿堂以至後苑直入臥內惟敝幃

布被而已

上大悅御書蕭閑二字扁其間復賜金一時榮之時稱其詩比之李何

登圖山絕頂

極目微茫接遠天山光水色兩悠然風塵不到烟蘿裏雲月
時來梵座前僧影獨依幽澗樹鐘聲疑上夕陽船相看舉世
同蕉鹿三嘆孤峯仰昔賢

送馬高陵北上

竹院閒過說遠遊獨攜書史去

皇州一身岐路當長夏幾日他鄉又早秋冀北烟塵徒倚劍
江南風月待歸舟故園梅信春先發莫向天涯久滯留

送喬東湖北上

高士門前草不刪經年養得似吾閒論心正好來禪室握手
何堪去故山匹馬遙嘶千嶂外一鞭高指五雲間青羶穩臥
還如舊不着紅塵半點斑

上

崇

字石靈泰州宋氏子受法天寧寺曰
渤老人主興教寺繼主泰州覺清寺

讀黃仙裳秋槎唱和詩

建功何似建言奇老將殊勳有了期不及先生拈好韻亂離
直到太平時

廣

徹

字豁菴彭澤葉氏子住天寧寺雨山上人器之著
巢者吟游虞山詩云石磴欹危深更入霜花歷亂

冷還留意
殊刻至

宿山寺步壁間韻

獨宿雲堂一磬深
空山蓮漏滴沈沈
月臨紺殿浮松氣
風動金鈴落梵音
永夜禪燈懸客夢
高秋旅雁動鄉心
虛窗漸覺晨光滿
惆悵行歌別舊林

行

宏字四不號介山四川李氏子
破山弟子後住瓜洲總持菴

春日送希公上人

浮玉同分榻
臨風思不羣
我懷無可贈
只有半庭雲
寒雁橫春霧
江梅老夕曛
杖藜回首處
何日更論文

宗

智字圓明號竹溪江都蔡氏子住瓜洲聞思菴王小
智村云竹溪性高曠與二三物外交終日手談一語
不及塵務人以高僧
目之著坐花軒詩

對月懷陶景茂

夜月澄寒輝
居然入深院
修竹相參差
浮雲忽隱見
十里澹

秋烟匝地開匹練獨坐謝紉紛靈禽下荒甸渺然等子懷孤
飛無眷戀西鄰有老人隱居足歡譙况兼南窗南明月照渠
面放却掌中杯焚却案頭硯安得乘仙槎共造清虛殿元關
君獨窺詞源誰敢擅予性懶是真行吟頗忘倦

偕夏靖九過夏元長煉室

秋爽惜虛度尋君聊遣閒舌端窮易理身外得元關衆木脫
霜葉高窗見遠山寧隨天地老莫謾說人間

除夕同盛子嘉

風雨催殘臘高眠任歲除尋梅雙屐靜留客一樽虛檢篋焚
詩草挑燈閱道書飄蓬同十載贏得鬢毛疎

問水菴次錫山華凝修韻

帆檣今北上信宿藕花村境靜秋先冷情空花欲言裁詩消

野興問水得真源
明月知人懶
依依下竹軒

訪雪牀不遇

觀濤猶未返鄰叟
主柴關一榻近茶甌
半窗浮遠山陶瓶無
宿粒藤杖有餘閒
我欲緣秋水相尋一破顏

嚴勉斯徐楚濤般雨蒼夏靖九周天池見過共用聞字
嘉客偶相集秋山滿白雲彈棋松有韻論道佛無文
機息同鷗侶身閒與鹿羣無端促歸棹疎雨隔溪聞

懷鄭蕃修

雲洗三更月天餘幾夕秋呼童煎石髓放眼上蓬樓
况有黃花對安知白髮羞所嗟人異水不向故園流

歸燕

舊日巢應在蕭齋何處尋
乍從楊柳沒直入杏花深
爲有三

更夢難忘萬里心
長途值寒食風雨正相侵

懷友

荒亭衰柳對晴烟
茗椀香爐憶往年
鐵甕雲深寒曳杖
金陵落葉夜歸船
秋風江上誰張翰
春草池塘有惠連
但得登臨期不爽
好攜嘉客待雲邊

顯

應

字密慈號玉壘武昌紀氏子天寧寺僧詩最云或與之錢卽施貧乏蓋方外之仁人也

過建隆寺訪友

鹿苑凋殘久登臨
法界寬孤雲穿竹細
宿鳥出林寒井廢
泉何在花深露未乾
斷碑橫蔓草剝落有誰看

秉

正

字止一號止菴丹徒楊氏子住瓜洲青蓮菴工書有龍蛇飛動之勢肖米顗俗人乞之了不易得著

秋窗偶稿

和惠山華凝修先生宿問水菴韻

扣舷歌復罷散步入郊原樹暝林疑雨山空鳥不言幾人探
竹屋一水隔桃源歸路饒清興新蟬在北軒

隔水尋開士還應鼓枻來那知秋未到已覺暑全回花竹有
餘色山川良可哀四方兵甲後吟眺一徘徊

過聞思菴簡竹溪師

梵園秋色老相見慰閒心客影迴斜日烟光淡遠林樹疎霜
葉冷花重晚香深爲問三山外高踪何處尋

九日過慧照庵

重陽天氣好扶病一登臨欲引江湖興先深故舊心江邊烟
冉冉花外晝沈沈忽見黃眉老清風豁客襟

精藍在城市幽趣入林泉草白知秋晚苔青是雨前雲生窗
外樹霞汚水中天縱目有如此還應放釣船

形雲閣

滿眼睛光足散愁况逢佳節此探幽興高何必黃花酒身健
如登白雪樓爽氣遠生吳苑樹潮聲直入海門秋短歌長嘯
歸來晚更有東南月一鉤

超

羣

字紫仙號雪堂新安程氏子天寧寺僧性至孝嘗
晦明風雨卽聞哭泣聲不敢忘親也或笑其不能

解脫曰如來示寂尙爲母
說偈况後人乎聞者愧服

掃先慈墓

慈母多笑容至今不敢忘豈意拜墓時松柏參差長遙憶兒
嬉日瞪目徒心傷一思分我食載思縫我裳昊天宜罔極延
佇何徬徨掛紙聊復去落日沈高岡

九日

佳節偏多雨翻增旅客愁高堂虛白日空谷自清秋世上無

相識天涯亦浪遊故園今日菊誰插老親頭

瀚 著

字宏章荊州彭氏子建隆寺僧著禪餘偶集倪永清云上人詩誦之有字想之無字

夜坐

鐘聲方欲罷月色已西斜庭樹留過鳥山樓倚落花未能遊
大陸卽似坐長沙世事那堪計儵然度歲華

春日坐雨花臺

孤筇七尺破蒼苔一片青山入望來滿地江湖丹壑遠隔江
烟霧錦帆開蕭梁戰伐空陳迹王謝風流已劫灰舊事新題
都民沒浩歌聞上雨花臺

照

調字古韻黃州陳氏子建隆寺僧著渡江吟倪永清云如理冰絃如橫碧玉如幽蘭之過雨如空城之

送砧

春日舟中寄懷

縱目湘江闊孤篷萬里秋遠人來此地知已隔林邱兩岸烟
花亂三山竹石幽漁歌在何處落日蓼花洲

果

昌字蔭繁

建隆有懷

隄上楊花西復東半林晴日一林風故園久已無消息目斷
吳山烟雨中

妙

信

字山愚號詩潭王孫瓜洲詩人詩選云上人金山了悟弟子後任瓜洲古剎與文人墨士把酒唱和

不啻遠公蓮社著袂柏堂集詩清韶沈着在皎然靈一之間

立冬前二日酬友人元韻

勝日成佳會欣逢此快遊每懷風雨夢欲放水雲眸寒碧秋
光淡陰森古木稠何當期再晤橫笛水邊樓

春雨懷友

二月江城麗春風細雨天
新愁頻入夢舊友憶當年
山色迎青眼林鶯囀綠烟
他時能把臂相伴共逃禪

過竹溪山房夜話

一杖老風塵君情愈見真
客當今日苦囊較去年貧
夜靜涼生座花疎月近人
坐譚忘漏永漁笛起江濱

次陳憲英寄懷元韻

十載埋名兩鬢秋江天雲樹不勝愁
爲耽村落少塵事轉覺名山非昔游
菊逕蛩吟聲細細草堂人去夢悠悠
山深獨詠驚人句一嘯還登竹外樓

春郊偶步喜逢夏元長

寂莫春郊雨乍晴得逢高士話生平
君懷久已居恬淡我拙還應識重輕
老眼不能看世態閒心無復近人情
淵明若許

重開社角酒徵詩好訂盟

海

朗

字楚濤號化三射州陳氏子住興化某庵建隆寺呈遠峯句云僧因聽法過江左鳥不柳花到嶺南

禪房夜坐

禪林風雨夜靜坐且焚香憶舊雲生樹思家月到床悲吟淹蜀嶺歸夢落江鄉他日皆陳跡三更下法堂

通

雲

字石奇太倉人徐氏子住興化黎庵上人學行堅定爲四衆所宗吳鹿友尤重之

贈昭陽黎太沖

二月園林好春花匝地開紅垂遲日柳香過老年梅倚杖庭前立尋詩陌上迴山中無事客也喜逐忙來

實

乘

字誦若無錫人主惠照寺羣雅集云上人學詩於沈文愨故五字清微澄淡造誼右丞左司蔣苕生

王夢樓兩公咸引重之著蔗查集阮侍郎雲臺序而刻之

陽山結茅雜咏

羣峯炫蒼翠變化非一顏我屋蒼翠中真可忘其年但觀心
似雲豈知身在山清機發深省谷響爲吾宣
微雲度秋河細雨不成陰幽人望明月一葉下空林撫景生
太息涼颼動商音因觀岩上松證我歲寒心

秋雁

嘹唳數聲雁長空去不留忽驚深夜夢散作一天秋邊塞思
鄉信家山念旅愁漁陽搖落早隨意宿汀洲

晚坐深草堂懷歸兼示山中徒侶

微雨散空谷孤雲去遙岑依依岩草綠際此春光生坐對柳
邊月悠然動歸心園蔬豆苗肥徒侶應攀尋庶以充饑腸淡
遠共清吟勞生竟何補息念還東林

初夏山中卽景

芳春景已移且試山中樂孤筇步幽崖新林蕩寂莫清和景物佳掩映朝嵐薄言棲已歲餘相對儼如昨何從寄雅懷於此契酬酢鳥逐嵐光散花隨磬聲落爲言素心人退賞願有作

夜坐深草堂

雲淡月微明梧陰露初下幽人坐空堂結念在騷雅緬此清泠泠商音動林罅誰當撫瑤琴登作倚蘭寫

憶舊隱

孤館靜無人飛花競狼籍陽春忽已徂愁思起日夕念彼遠峯青面此浮雲白蒼蒼屋後松巢宿待歸客

達

澄字如鑑號古光上元人主高旻寺

山居

歛履拾墜薪偶入層巒去不畏濕衣裾要覓雲生處

遲洪稚存王柳村不至

踪跡渾如不繫舟海天隨意任遨遊共期高隱林閒士來訪
忘機水際鷗一帶好山當戶牖數聲清磬隔僧樓更憐向晚
尋詩處涼月蕭蕭竹影秋

夏日放生河亭與王夢樓納涼

竹密烟深一逕虛桐陰如幄覆階除庭前時有窺簾鳥池內
應無避釣魚南浦潮隨明月上西林鐘帶夕陽疎人閒莫漫
愁煩熱好共臨流此卜居

能

越

字荔村興化人慈雲寺僧
工蘭竹得鄭大令之遺

述秋

畫角吹殘夢疎鐘扣曉星清砧和露搗愁耳隔牆聽衲破留

雲補門空向水局宿鷗驚落葉飛散半池萍

祖道號竹溪長洲范氏子江都秋雨菴僧詩清靈婉屬與盧雅雨杭葦浦游著離六堂遺詩其孫在堂約

王柳村選刻之

冬日同客坐淨暉亭

焚香參靜悟落葉閉門深竹密罕塵慮亭空話夕陰偶然同野鶴聊復理鳴琴辭我攜琴去依依月在林

寄張秋芷給諫

五載邛江別相思阻嘯歌羨君逢聖主無復諫書多

我久棲巖壑春還到薜蘿聊因歸雁便問訊比如何

初夏聽查煉師撫琴

獨訪琳宮侶肅然洽道情空林微雨過斗室素琴鳴物外得閑趣世閒無此聲向來山水意聽罷興彌清

秋日過寶輪寺訪沛霖和尚

契濶高禪久今朝詣竹林門迴秋水遠徑折白雲深自得定
中趣因成物外吟夕陽發歸興何日再相尋

喜晤須愛樓卽送之淮陰

一別三年久邗江得暫留艱難纔握手風雨又離愁夢逐長
淮水烟昏古渡舟高樓送君處終日此凝眸

春日謝澤和見過

門掩東風雪滿枝幽人來訪夕陽時空亭相對清吟久只有
花前一鶴知

送吳楚江之吳中

片帆已買自難留楚水吳山兩地愁莫爲梅花留鄧尉故人
多半在揚州

慧

琳

字寰宗涇縣人平山堂僧卒葬平山堂下著曉月山房集劉南廬爲典衣刻其詩趙星閣序之謂其

字必求新句必求奇苦思力索不減郊島平山堂句云雲中山色寒當檻雨後松聲濕滿樓佳句也

遲友不至

柴門啟竹裏石上橫素琴欲彈不彈意所思在知音日落軒車杳空山響暮禽

過出海庵訪元濟上人不值

地僻徑紆迴深林有禪室乘興獨來茲雲與僧俱出鑪冷篆烟消庭空落葉集坐久默無言空山下紅日

望海

澎湃匯羣川蒼茫一片烟浮槎懷此日鞭石自何年有島多藏國無涯恐墮天曾經三淺後待爾作桑田

心

明

字法印江都楊氏子主定惠寺著禪暇集

晚坐金山和惟一先生韻

危峯不可上山半坐空亭古塔穿雲白秋江帶樹青波搖兩岸火帆挂一天星爲問東西棹如何竟不停

德

孚

瓜州人主
席江神廟

謙龍樵園萍蒼三先生過訪因過柳館茶話

誰向貧居問終朝對野蒿偶來名士駕相看捕魚舸身隱食溪靜談深見月高閒遊與屏跡同是避塵勞

炳

宗

字慧謙
泰興人

春日遊鄧尉山

萬峯深處有流泉松徑藤蘿杖策穿十里梅開香到寺洞庭猶隔太湖烟

性

慧

字炳一號幻雲江西古虔州人黃氏子主泰州光孝寺講席其弟子西林亦工詩徐舍人禮華稱爲

海陵雨
詩僧

寄劉子石池

碧水情千里青山隔萬重故人棲隱地遙憶白雲封雪後應
鋤藥春來好課農相思托明月常照漢陽封

圓

能字西林號香雨興化張氏子主泰州光孝寺

和宮節溪菊影

向背渾無定高低疊幾層夜光搖素壁秋色上寒燈陶徑移
來晚東籬畫未能更憐塵外跡不畏曉霜凝

送竇林弟回里

秋風瑟瑟啓行裝相送歸帆下楚陽出郭四圍蘆荻遠到城
十里芰荷香孤村野水添新漲細雨青燈入晚涼客裏閒情
俱莫問好憑詩思寄滄浪

達

瑛

字慧超號練塘丹陽人主席棲霞住黃灣精舍罕與外人接見洪惟存太史呼爲懶僧與焦山巨超

萬壽寺悟需相唱和又嘗掛錫松寥竭盧閒王豫并逸其詩刻之名三上人集著旃檀閣詩鈔

喜看雲上人見訪

渺渺秋江濶勞君破浪尋雙峯今夜月一片故人心雲淡天
河迥窗虛海氣深只緣明欲別剪燭動長吟

同王夢樓太史高旻寺看菊

何必東籬采山房菊已開無端詩思發有約故人來冷艷依
黃葉幽香上綠苔白頭憐晚節勤護曉霜催

次安心主人見寄韻

託足雙峯猿鶴親水晶宮殿淨無塵日將好景歸詩卷天許
名山作散人岩草碧銷三徑雪寺梅香破半江春西風記得
黃灣別夜夜相思入夢頻

登海雲樓懷莫灣清涼主人

退院僧同嶺上雲，凌江小閣一爐薰。
窺人鷗鷺當窗立，出寺鐘魚隔水聞。
仍有青山常伴我，縱無明月也思君。
臨風欲跨揚州鶴，海氣微茫望不分。

次古岩見過河亭韻並寄借庵

小院臨池無路通，心常與竹心空。
幽扉半掩林間雨，清磬遙傳渡口風。
折葦客來青嶂外，隔江人在白雲中。
莫言世外甘岑寂，殺賊論兵燭影紅。

同洪稚存太史王柳村秀才借菴主人登月波臺看潮同賦

爲逐丹崖客，層臺試一登。
山隨詩思轉，風挾海潮騰。
樹抱花間路，門開竹裏燈。
笑余多懶散，米熟愧南能。

自

成

號蓮溪江都方氏子翠屏洲荻秋菴僧學詩於王柳村柳村稱其詩不多作不苟作亦高僧也庵卽

今之同善堂

登瓜洲形雲閣追憶王漢標先生

閣爲先生重建

窗俯大江秋西津入檻流山光來蒜嶺樹色入瓜洲百戰人

何在

金主戰敗於此

千年閣尙留臨風懷子晉還乘鶴來游

翠屏洲晚步

秋水帶烟碧秋山過雨青閒吟警鷗鷺飛入蓼花汀

紅橋

紅橋拂柳絲春在畫圖裏終日送行人只有橋下水

元

龍

字收堂興化李氏子

命賦山色有無中稱

聖祖南巡獻詩

音

秋胡行

養蠶勝養兒養蠶猶吐絲養兒防親老而乃離庭闈君憐采

桑婦不念桑榆人桑榆景苦短桑婦時悲辛還君相贈金請
君斷諸妄君意在桑閒妾情非濮上攀條謝郎君倚門人久
望

序

樞字立勝如臯人
著樹庵偶存

至隱靈寺

雲帆直泊武陵秋紅樹深山古刹幽輦道尙餘花雨暗蓮峯
長壓冷泉流江潮影裏容僧卧寺梵聲中罷客愁休問滄桑
前後事一瓢明月上層樓

智

闇字言如
揚州人

村居

一自深村住身閒喜獨遊遠山看戶外孤杖倚溪頭月上荒
林靜雲圍野竹幽柴門猶未掩斜日下林邱

旦聞大師自廬山來過草堂

撥雲攜短杖帶雪下匡廬爲掃仙人榻來尋我舊居松憐多
古意梅喜放香初竟日同君話相將勝讀書

元

禪字自恬興化人江蘇詩徵云參悟之外獨工吟咏
而又不落禪梵
一語所以稱絕

九月八日送友人之越

江邊楊柳正蕭條遊子秋深放小舫故國明朝空對菊他鄉
何處獨題糕寒潮帶雨催蘭棹霜葉隨風戀布袍此去不須
尋往跡越王宮殿總蓬蒿

成

德字友松
江都人

晚過鏡水寺

策杖問花宮悠然世態空高原青靄外古寺白雲中溪水明

朝雨山鐘度晚風勞勞塵世內只此慰飄蓬

舟過吳興

乘風鼓棹往來輕野鳥低飛解送迎天外雲連茗水濶帆邊
樹接峴山平人歸遠岸烟初靜僧渡長橋雨乍晴爲愛巖巒
不歸去只愁啼出子規聲

超

熾字映雪嘉興潘氏
子主江都梅園

春日遊西山

步出雙橋外晴空一望賒萬山松日冷兩岸竹風斜野鳥飛
天末漁歌落水涯此方可乘興新月引歸家

超

普字融峯號萍寄興化李氏
子主栖賢菴著禪餘集

渡揚子江呈鐵舟海法叔和尚

峭石江心現亭亭塔影懸波光搖霽日蜃氣接長天吳楚千

山隔金焦一水連
片帆風裏掛飛過寺門前

秋杪歸觀建隆本師喜晤臞庵先生

山空木落雁橫天
渡水穿林到法筵
廢寺清鐘風外杳
疎籬
叢菊雨中鮮
漫將意氣誇元度
自有才華並皎然
安得壽寧
名街秋色永
朋來酬倡月明前

定

源

字自律
號乳秋
別號又禪
東台黃氏子
著乳秋集

焦山

策杖登峯頂
天高秋氣清
雲山相別久
花鳥不知名
木落江樓
登潮來海月明
竹窗留客處
四壁響蛩聲

寄空青枕石上人

買得青山卽是仙
襟懷瀟灑獨推先
心無掛礙方爲道
詩到
爭傳豈偶然
幾曲清泉黃葉寺
一聲晚磬碧雲天
記從邗上

問奇字十載支離榻未聯

紱

此江都僧

和張良御太史會葬閔賓連

古道傾名彥貧交馬鬣移一坏魂有託千歲鶴應知松柏清
陰露蘋蘩濁酒卮風悲花又落榮擾向南枝

宗

元

字掃葉江都人清涼山僧江蘇詩事云查二瞻贈
掃公詩云拈花久豁人天眼掃葉常留解脫心何
似無花併無葉千山明月一空
林此詩想見掃葉人品之高

束魏惟度

小雨山樓不斷飛問君何事掩雙扉少焉雨歇鐘初起送得
書聲過翠微

行

演

字隱峯寶應人主
羅漢寺著隱峯集

夜泊話舊

曳衲西風古渡寒一帆落日問驚湍不愁暝色橫天外爲有

鐘聲出樹端相得自忘村野僻頻來轉覺道情寬當年禪學

同烟水

牧雲和尚開法處山時同結社

更向鐙前敘夙歡

悟

成

字方聚號石谷鳳陽人梁氏子住持高旻寺戒律精嚴參禪者宗之吟咏不輟伊墨卿太守贈詩有

米堂及借庵並師而三人尚存儒者義開

心卽思親之句其徒真仁竹坪皆工詩

思親

獨坐蕭齋夜欲闌一天霜重雁聲寒高堂漸覺春暉少拭盡

袈裟淚未乾

次韻借庵尊宿過真諦軒別後見寄

永嘉曾一宿師來宿竟五百年如轉瞬眼底誰千古師去我

翹思師來我啟戶挑鐙細討論落筆疑風雨受益已良多豈

曰是小補明發趁寒潮怕聽門外櫓

題阮梅叔珠湖漁隱圖

先生隱愛作漁師多少英雄未遇時不著羊裘人豈識來撐
鴨綠影先知烟消日出浮家慣月滿珠圓倚棹遲三十六湖
春水漲一竿處處好垂絲

送雷廷元軍門之任閩海

疊承符命 聖恩多又建旌旄海上過劍倚長天飛日
月營開細柳聽謳歌題詩道識江文蔚聚米山知馬伏波此
去彭湖清似洗蓮花峯可枕瑯戈

送借庵長老主席弁山

枝上黃鸝不住啼東風織得柳絲齊一江烟水帆初挂千里
雲山杖獨攜南浦春深鷗夢淺西窗月冷雁聲低盈盈別思
知多少萬頃滄波極望迷

山居

三逕無人竹掃苔東風有意破寒梅
山僧不管江頭事一任潮聲帶雨來

淨

鐔

字天峯寶應蓮池菴僧

大觀閣納涼與張明府分韻

高閣凌空放客襟風生四壁最難禁
簾前遠水過書案足底斜陽入柳陰
政暇每尋方外友情幽共得古人心
東林舊社欣相續太守風流頌到今

化

霖

字荔村江都人

登翠微亭

耽幽不厭此勾留潑眼嵐光近晚稠
掃葉僧歸紅樹院看山人在夕陽樓
千家薜荔烟成雨十里芙蓉錦作秋
回首都忘

身入畫拂衣長嘯碧峰頭

枕石

姓石如皋諸生著九蓮外史一花道人集王又村云上人本名諸生中歲逃禪以詩文爲方外領袖

與古巖借庵友善卒於丹徒空青山中其遺集乃家君所選訂也

過野塘見殘荷一枝

野塘過疎雨強笑受西風冷涸尺波暈嬌翻一面紅交憐君子淡色近美人空可怪涼秋月殘妝倍不同

夜發元基探梅東王小村

暗棹驚鳬渚昏烟破鶴汀一船春水白何處暮山青月倚篷窗看歌延野市聽探梅先有約飛入夢魂馨

明

德

號在堂秀水吳氏子江都秋雨庵僧著二六問情集

喜晤董海南

豈必曾相識新知卽舊知却宜明月夜共讀謫仙詩話到三

乘法稱余一字師來朝別君去再訂菊花期

乾魚池

天長大佛寺前

四海疎知已終年守佛臺未逢三尺水却剩一身苔風起疑

潮入雲飛怯網來圖南應有日須待及時雷

王來庭

字崑霞湖州人揚州瓊花觀道士輯萍水聯吟集江蘇詩徵云崑霞本天台道士住瓊花觀與諸名

士唱和最久例得收入

和張良御太史會葬詩人閔賓連

昔我居天都曾味詩人意今我遊廣陵獲覩詩人事我修白
嶽乘君輯黃山志後先不同時殊途而一致詩人古所難惟
天獨何忌一棺不獲窆一子不獲娶烏鴉寺中啼杜鵑枝上
啖海陵青翰來捐資舉高義會葬如所親聚沙安其位名士
集平山慨然增一喟一時感知已千秋得佳地悲風吹河柳

落日照寒隄我亦詩人一瓢聊自置

小遊仙

千歲桃花算一塵幾回緱嶺認前身
就吟又過蕃釐觀誰識當年賣藥人

送潘晦橋歸天台省墓

遠渡秦關雪遲回越國春不因躬省
慈忍別賞心人

朱太侔

字冲陽崑山人主江都瓊花觀著山居樂集王
村云冲陽讀書好古得魯真人法首在辛諸乾乙
樂與之遊直以師事問飛昇黃白之術即叱曰外道也
仕瓊花觀最久不與俗伍及見余生遂前莫逆交

示人

習靜歧儒俗居山異市歷斷壘忘大欲辟穀想真傳有著成
迷妄無心合聖賢瘦筇兼鶴屐隨境度流年

迎仙院牡丹

花發仙宮春欲闌臨風也學鶴頭丹絳雲低捧千金障紫霧
重圍百寶欄調是清平謔獨勝客非富貴敢相干沈香亭北
傾城色却放尋常野老看

余舊有淮海英靈集白帝初印本今得此續集二難并
矣可寶如何丙申夏五廿六日亥刻記於都門蘭枝
館南窗下時香南硯北兩姬俱在側也
孟廷